

JP RADIO TELEVIZIJA 7 d.o.o. TUZLA

IZVJEŠTAJ

O RADU I POSLOVANJU ZA PERIOD

01. 01. 2015. do 31. 12. 2015. godine

TUZLA, MART 2016. GODINE

SADRŽAJ

I UVOD.....	3
1.1. OPŠTI PODACI O PREDUZEĆU.....	3
1.2. OSNIVAČKI AKT I OBLIK ORGANIZOVANJA.....	3
1.3. PRAVNI OSNOV.....	3
1.4. DJELATNOST DRUŠTVA.....	4
1.5. OSNOVNI KAPITAL DRUŠTVA, UDIO OSNIVAČA.....	4
1.6. UPRAVLJANJE DRUŠTVOM.....	4
1.7. UNUTRAŠNJA ORGANIZACIJA DRUŠTVA.....	5
1.8. KADROVSKA STRUKTURA.....	5
II IZVJEŠTAJ O RADU – PROGRAMSKIM AKTIVNOSTIMA.....	6
2.1. PODACI O OSNOVAMA PROGRAMSKOG SADRŽAJA.....	6
2.2. PROGRAMSKE OSNOVE U 2015. GODINI.....	7
2.3. IZVJEŠTAJ O PROGRAMSKIM AKTIVNOSTIMA U PROGRAMIMA RADIJA I TELEVIZIJE.....	8
2.4. IZVJEŠTAJ O STANJU TEHNIKE I RADU TEHNIČKE SLUŽBE.....	11
2.5. IZVJEŠTAJ O MUZIČKOM PROGRAMU.....	12
III FINANSIJSKO POSLOVANJE U 2015. GODINE.....	13
3.1. PRIHODI.....	13
3.2. RASHODI.....	13
3.3. FINANSIJSKI REZULTAT U 2015. GODINI.....	16
IV POTRAŽIVANJA I OBAVEZE NA DAN 31.12.2015. GODINE.....	17
4.1. PREGLED POTRAŽIVANJA NA DAN 31.12.2015. GODINE.....	17
4.2. PREGLED OBAVEZA NA DAN 31.12.2015. GODINE.....	17
V ZAKLJUČNE NAPOMENE.....	18
VI NADZORNI ODBOR.....	21

I UVOD

1.1. Opšti podaci o preduzeću

JP Radio televizija 7 d.o.o. Tuzla je pravno lice koje samostalno obavlja djelatnost od općeg društvenog interesa i posluje pod imenom:

Javno preduzeće Radio televizija 7 društvo sa ograničenom odgovornošću Tuzla
Skrraćena oznaka firme je JP RTV 7 d.o.o. Tuzla.

Sjedište Društva je u Tuzli, ulica Mirze Delibašića br. 4, gdje su smještene administrativne prostorije, urednička redakcija, te prostori neophodni za emitovanje radio i TV programa (studio, režija, montaža, muzička redakcija).

1.2. Osnivački akt i oblik organizovanja

Odlukom o organizovanju Javnog preduzeća „RADIO TUZLA“ sa p.o. Tuzla, donesenoj od strane Opštinskog Vijeća Tuzla, broj 01/1-023-121 od 24.12.1996. godine osnovano je JP „RADIO TUZLA“ sa p.o. Tuzla.

Postupajući po Odluci o usklađivanju statusa i oblika organizovanja javnih preduzeća čiji je osnivač Općina Tuzla sa važećom zakonskom regulativom, donesenom od strane Općinskog Vijeća Tuzla, broj: 01-23-9936-010, od 23.11.2010. godine, JP „RADIO TUZLA“ sa p.o. Tuzla je uskladilo svoj status i oblik organizacije, pa je Rješenjem o registraciji Općinskog suda u Tuzli, broj: 032-0-Reg-10-001826, od 26.01.2011. godine upisano kao JP „RADIO TUZLA“ d.o.o. Tuzla.

Ovo preduzeće je Rješenjem o registraciji Općinskog suda u Tuzli, broj 032-0-Reg-11-001447 od 24.06.2011. godine izvršilo promjenu naziva u Javno preduzeće Radio televizija 7 društvo sa ograničenom odgovornošću Tuzla (skraćeni naziv firme: JP RTV 7 d.o.o. Tuzla), (u daljem tekstu: Društvo) kao pravno lice koje samostalno obavlja djelatnost od općeg društvenog interesa.

1.3. Pravni osnov

Društvo svoj rad temelji poštujući odredbe Zakona o javnim preduzećima u FBiH, Zakona o privrednim društvima, Zakona o računovodstvu i reviziji u Federaciji BiH, Zakona o radu FBiH, Kolektivni ugovor za teritoriju Federacije BiH o pravima i obavezama poslodavaca i zaposlenika grafičke, izdavačke i medijske djelatnosti u Federaciji BiH, Zakon o komunikacijama BiH, Pravila, Propisa i Kodeksa Regulatorne agencije za komunikacije BiH, druge zakone koji regulišu medijsku djelatnost, te pravilnike, odluke i akte koji se odnose na djelatnosti Društva.

1.4. Djelatnost Društva

Djelatnost JP Radio televizija 7 d.o.o. Tuzla usmjerena je na proizvodnju, prenos i emitovanje programa. Društvo obavlja djelatnost od posebnog društvenog interesa. Djelatnost društva je utvrđena Rješenjem o registraciji broj:032-0-Reg-11-000526 od 09.05.2011.godine kod Općinskog suda u Tuzli. Upisane djelatnosti Društva su:

- 18.20 Umnožavanje snimljenih zapisa
- 59.11 Proizvodnja filmova, video filmova i televizijskog programa
- 59.20 Djelatnosti snimanja zvučnih zapisa i izdavanja muzičkih zapisa
- 60.10 Emitiranje radijskog programa
- 60.20 Emitiranje televizijskog programa
- 61.10 Djelatnosti žičane telekomunikacije
- 61.20 Djelatnosti bežične telekomunikacije
- 61.30 Djelatnosti satelitske telekomunikacije
- 61.90 Ostale telekomunikacijske djelatnosti
- 68.20 Iznajmljivanje i upravljanje vlastitim nekretninama ili nekretninama uzetim u zakup (leasing)
- 70.21 Odnosi s javnošću i djelatnosti saopćavanja
- 70.22 Savjetovanje u vezi sa poslovanjem i ostalim upravljanjem
- 73.11 Agencije za promociju (reklamu i propagandu)
- 73.12 Oglašavanje putem medija
- 73.20 Ispitivanje tržišta i ispitivanje javnog mnjenja
- 74.90 Ostale stručne, naučne i tehničke djelatnosti, d.n.
- 79.90 Ostale rezervacijske usluge i djelatnosti u vezi s njima
- 82.20 Djelatnosti pozivnih centara
- 82.30 Organizacija sastanaka i poslovnih sajmova
- 85.60 Pomoćne uslužne djelatnosti u obrazovanju
- 90.02 Pomoćne djelatnosti u izvođačkoj umjetnosti
- 90.04 Rad umjetničkih objekata

1.5. Osnovni kapital Društva, udio osnivača

Osnovni kapital Društva iznosi 2.000,00 KM u novcu. Osnivač Društva je Grad Tuzla sa 100% vlasništvom.

1.6. Upravljanje Društvom

Članom 23. Statuta Društva određeno je da Društvom upravlja osnivač Društva kao vlasnik kapitala putem Skupštine, Nadzornog odbora i Uprave Društva.

Organi upravljanja Društva su:

1. Skupština društva
2. Nadzorni odbor
3. Uprava (menadžment), kao organi upravljanja

Skupština Društva je najviši organ upravljanja Društvom i odlučuje o osnovnim pitanjima poslovne djelatnosti. Održava se najmanje jedan puta godišnje, a obavezno po izradi godišnjeg obračuna za prethodu godinu.

Nadzorni odbor nadzire poslovanje Društva i nadzire rad uprave, a za svoj rad odgovara Skupštini Društva. Čine ga predsjednik i dva člana koji se imenuju istovremeno na period od četiri godine. Skupština Društva, Odlukom o imenovanju Nadzornog odbora Društva, broj: 28/11 imenovala je Nadzorni odbor Društva u sastavu:

1. Amra Delalić, predsjednik
2. Armela Efendić, član
3. Mirzama Muftić, član

Upravu društva čini Direktor koji organizira rad i rukovodi poslovanjem, zastupa i predstavlja Društvo i odgovara za zakonitost poslovanja Društva. Nadzorni odbor imenuje Direktora na period od četiri godine, a konačnu saglasnost na imenovanje daje Općinski načelnik.

1.7. Unutrašnja organizacija Društva

Pored Direktora, koji organizira rad i rukovodi poslovanjem, Društvo je organizirano u tri organizaciona sektora i to:

- Program – Uredništvo
- RTV tehnika
- Marketing i administracija

1.8. Kadrovska struktura

Kvalifikaciona struktura uposlenih u JP RTV 7 d.o.o.Tuzla sa 31. 12. 2015. godine u poređenju sa strukturom iz 2014. godine prikazana je u Tabeli 1.

Tabela 1: Kvalifikaciona struktura zaposlenih

R.B.	STRUČNA SPREMA	BROJ ZAPOSLENIH (2014.)	BROJ ZAPOSLENIH (2015.)	INDEX	STRUKTURA 2015.
1	VSS	13	14	1,08	45,16%
2	VŠS	3	3	1,00	9,68%
3	SSS	12	14	1,17	45,16%
UKUPNO		28	31	1,11	100,00%

Sa 31.12.2015. godine u Društvu je zaposlen 31 radnik. Dosadašnje iskustvo i praksa, odnosno, sve veći programski, produkcijski i tehnički zahtjevi pokazuju da je postojeći broj zaposlenih minimalan i da se kadrovska struktura mora uvećavati spram uvećanja programskih i tehničkih zahtjeva JP RTV 7.Pored stalnih uposlenika u JP Radio televizija 7 d.o.o. Tuzla u 2015. godini bili su angažovani vanjski saradnici po osnovu ugovora o obavljanju povremenih i privremenih poslova i ugovora o djelu, koji su obavljali poslove novinara, montažera, kamermana i čistačice.

Prosječna isplaćena neto plaća uposlenika u Društvu za 2015. godinu iznosila je **638,03 KM**. Prosječna isplaćena neto plaća prema kvalifikacionoj strukturi u 2015. te u izvještajnoj godini je prikazana u slijedećoj tabeli.

Tabela 2: Prosječna isplaćena neto plaća prema kvalifikacionoj strukturi

R.B.	STRUČNA SPREMA	2014.	2015.	INDEX
1	VSS	728,76	767,86	1,05
2	VŠS	647,14	691,97	1,07
3	SSS	497,09	496,79	1,00

Napomena za Tabelu 2:

U 2015. godini zaposlenicima je isplaćivana naknada za topli obrok, u skladu sa Pravilnikom Društva, spram finansijskih mogućnosti Preduzeća. U prvoj polovini godine on je iznosio 6,00 KM, a u nastavku godine 8,00 KM po radnom danu i zaposleniku.

Naknade troškova za prevoz radnika u 2015. godini također su vršene u skladu sa postojećim Pravilnikom. Ukupan iznos troškova plaća i drugih naknada zaposlenim dat je u poglavlju III.

II IZVJEŠTAJ O RADU – PROGRAMSKIM AKTIVNOSTIMA

2.1. Podaci o osnovama programskog sadržaja

JP RTV 7 d.o.o. Tuzla nosilac je Dozvole koju Regulatorna agencija za komunikacije dodjeljuje za javne radio-televizijske stanice i kao takva mora se u svom djelovanju pridržavati Pravila i propisa od strane državne Regulatorne agencije za komunikacije (RAK).

Ispunjavajući uslove iz Dozvole JP RTV 7 d.o.o. Tuzla se obavezala da će u svojoj programskoj šemi radija, odnosno televizije strogo poštovati programske obaveze iz člana 3. pomenutog Pravila, a to znači da je u programskim šemama radija i televizije prema uslovima iz Dozvole koja se dodjeljuje javnim rtv stanicama ispunjavala zadate programske obaveze na sedmičnom nivou:

- **40 % informativnog programa**
- **6 % dječjeg programa**
- **10 % programa namijenjenog izbjeglicama i raseljenim licima, nacionalnim manjinama i socijalno osjetljivima grupama**
- **4 % obrazovnog programa itd.**

JP Radio-televizija 7 d.o.o. strogo je poštovala sva Pravila i propise iz uslova Dozvole, između ostalog i Kodeks o komercijalnim komunikacijama po kojem javnim rtv stanicama nije

dozvoljeno više od 4, odnosno 6 minuta komercijalnog programa u jednom satu u programu televizije, odnosno radija.

JP RTV 7 d.o.o. Tuzla s punom odgovornošću vodi profesionalnu brigu o poštovanju i zaštiti autorskih prava. U tom smislu potpisnik je Ugovora sa agencijom AMUS, koja je licencirana od strane Regulatorne agencije za komunikacije kojim se reguliše godišnja naknada za muzička i autorska prava. Odnedavno je potpisan Ugovor sa još jednom licenciranom agencijom za zaštitu izvodjačkih prava – AIS, što govori ne samo o poštovanju profesionalnih standarda u audio i video produkciji i emitovanju programa nego i o povećanju troškova poslovanja Radija i televizije.

2.2. Programske osnove u 2015. godini

JP RTV 7 d.o.o. Tuzla zaživjela je u punom programskom kapacitetu, o čemu govore naši gledaoci, slušaoci i uopšte tuzlanska javnost. JP RTV 7 d.o.o. Tuzla među građanima je prihvaćen kao istinski medijski servis. Sudeći prema povremenim anketama koje provodimo, ova televizija je ušla u domove kao medij koji svoju gledanost nije gradio na senzacionalizmu, nego profesionalizmu. Konceptija i programska politika koju smo utvrdili tokom planiranja programske šeme, a ona je da se izrazito posvetimo lokalnim temama, događajima i ljudima, da ukazujemo na probleme, ali i da ističemo pozitivne primjere iz sredine u kojoj živimo, pokazala se apsolutno ispravnom. Danas s ponosom možemo reći da JP RTV 7 d.o.o. Tuzla svi građani smatraju „svojom“ gradskom televizijom.

Uz podršku Osnivača i na inicijativu vijećnika Gradskog vijeća Tuzla i u 2015. godini smo u cjelosti snimali i reemitovali sjednice Gradskog vijeća Tuzla. Time smo ispunili očekivanja vijećnika, ali i tuzlanske javnosti, da rad Gradskog vijeća učinimo otvorenim i transparentnim. U našim programima smo reemitovali snimke sa redovnih, vanrednih i svečanih sjednica Vijeća.

Uvažavajući i poštujući Zaključke Gradskog vijeća Tuzla, a naročito Zaključak o ravnopravnom tretmanu i praćenju rada svih tuzlanskih mjesnih zajednica, bez prekida u emitovanju, pripremamo i realizujemo sedmičnu 15-minutnu emisiju „Glas javnosti“ u kojoj, uz pomoć povjerenika u mjesnim zajednicama i anketama sa građanima koji žive na tim područjima, ukazujemo na aktuelne probleme građana Tuzle kao i na korisne akcije koje se vode unutar mjesnih zajednica. Mnoge od mjesnih zajednica su nam se prigodnim zahvalnicama i javno zahvalile i odale priznanje.

U informativno-političkoj emisiji „Fokus u sedmici“ ostvarujemo sve kvalitetniju saradnju sa Vijećnicima Gradskog vijeća i ovu emisiju već konceptijski profiliramo u smjeru komunikacije Vijećnika sa građanima, i obrnuto, što je, takodje, bila jedna od programskih sugestija Vijećnika.

JP RTV 7 d.o.o. Tuzla je u toku prošle godine profesionalno i objektivno ispunjavala svoje obaveze istinitog i pravovremenog informisanja javnosti, kako u redovnim tako i u vanrednim programskim sadržajima, a kako bismo udovoljili stalnoj potrebi građana, odnosno slušalaca i gledalaca za objektivnim informacijama koje se tiču političkog i društvenog života na području Grada Tuzla .

2.3. Izvještaj o programskim aktivnostima u programima radija i televizije

Naše programsko opredjeljenje je biti medijski servis grada, tako da smo i u 2015. godini nastavili informisati građane o životu i svim dešavanjima u gradu i okolici, aktivnostima Gradskoga vijeća, Gradske uprave, gradonačelnika Tuzle, gradskih službi, javnih preduzeća i ustanova, kao i nevladinog sektora, kulturno-umjetničkih i sportskih udruženja i društava. Izvještavali smo o infrastrukturnim projektima grada, novoj gradnji, sanaciji puteva, mostova, cesta na području grada i šire, toplifikaciji, regulaciji vodotoka i s posebnom ozbiljnošću pratili stanje terena u gradu i prigradskim mjesnim zajednicama nakon poplava koje su pogodile Tuzlu. Naš program je sadržavao informacije sa prijema u gradu, sastanaka, okruglih stolova, pratili smo dolaske značajnih ličnosti i delegacija iz drugih gradova BiH, Evrope i ostatka svijeta, izvještavali sa press konferencija, koncerata, izložbi, promocija, sportskih događanja itd. Osim toga, u programu smo svakoga dana informisali o uslugama komunalnih i servisnih službi, emitovali priloge sa rasprava o zanimljivim temama koje se tiču života građana, kao i priče o interesantnim ljudima, stručnjacima i talentima.

Tokom 2015. godine nastavili smo praksu iz 2014. godine, da snimamo i reemitujemo svečane i radne sjednice Gradskoga vijeća Tuzla u cijelosti, u našim dnevnim TV programima. Držeći se programskog opredjeljenja o ravnopravnom tretmanu u našim programima, nastojali smo sve inicijative, reakcije i programe političkih stranaka i partija pratiti u istom omjeru i emitovati u našim informativno-političkim programskim sadržajima.

JP Radio-televizija 7 d.o.o. je u 2015. godini nastavila realizovati programske zahtjeve postavljene za ovu izvještajnu godinu. Oni su se, prije svega, odnosili na usavršavanje postojeće programske šeme i produženje vremena emitovanja vlastitog programa.

Uz podršku i u saradnji sa kablovskim operaterom TXTV, uspjeli smo obezbijediti optičke tačke za izvještavanje sa 5 lokacija u gradu: Gradske uprave, SKPC Mejdan, Panonskih jezera, Bosanskog kulturnog centra Tuzla i stadiona Tušanj. Početkom 2016. godine realizirali smo i posljednju planiranu tačku - Narodno pozorište Tuzla. Na ovaj način smo uspjeli da optički povežemo sve lokacije u gradu, gdje se odvijaju najznačajniji društveni, kulturni i sportski događaji. Sa programskog stanovišta ova tehnička inovacija omogućila nam je direktna javljanja u program što smo vrlo često koristili.

Živi program, koji je ranije podrazumijevao 7 sati otvorenog programa, u 2015. godini, produžen je na 15 sati: 3 sata jutarnjeg radio i tv programa Jutro u 7, Otvorenog radija koji se emituje i na TV-u i otvorenog popodnevnog TV programa Tuzla danas. Ovi programi su ispunjavani brojnim pričama i dnevno-aktuelnim dešavanjima u Tuzli i šire, kao i rubrikama u trajanju od 3-10 minuta, emisijama iz različitih sfera života. Većinu rubrika čine ilustracije iz života grada.

Program Televizije

Posebnu pažnju u našim tv programima posvetili smo praćenju stanja klizišta i otklanjanju problema na terenima u gradu, koji su tokom poplava u 2014. godini pretrpjeli ogromne štete, zatim programima sanacije i socijalnog zbrinjavanja građana.

Budući da je politika razvoja grada bila usmjerena na programe zapošljavanja građana izvještavali smo o sufinansiranju u oblasti poljoprivrede, okruglim stolovima o zapošljavanju i samozapošljavanju, pokretanju vlastitoga biznisa. S tim u vezi smo u prvom kvartalu 2015. godine organizovali trodnevni program uživo sa Sajma maloga biznisa u tuzlanskom SKPC Mejdan, gdje smo dali šansu građanima, malim poduzetnicima, obrtnicima da predstave svoje biznise javnosti. Projekat je ocijenjen jako uspješnim.

JP RTV 7 je u protekloj godini realizovala i specijalne emisije i programe u povodu značajnih datuma iz prošlosti Tuzle, društvenih, kulturnih, sportskih i drugih dešavanja u gradu. Riječ je o produkciji dokumentarno-obrazovnih emisija.

U okviru sportskog programa su realizovani posebni programsko-komercijalni projekti povodom svjetskih, evropskih i domaćih sportskih zbivanja.

Tokom 2015.godine ostvarili smo značajnu saradnju sa brojnim nevladinim organizacijama i udruženjima, kojima smo pružali medijsku potporu u realizaciji projekata značajnih za Grad i građane Tuzle. Samostalno ili u koprodukciji sa njima realizovali smo nekolicinu projekata. Bili smo medijski pokrovitelji većine manifestacija u gradu.

Pred kraj godine, prvi put otkako postoji Televizija 7, u saradnji sa tuzlanskim glumcima, pjevačima, tuzlanskim pop i rok grupama, plesačima i uopće tuzlanskim umjetnicima realizovali smo specijalni, novogodišnji program. Program smo nazvali „Tuzlanska priča kroz vrijeme“ u kojem smo na zanimljiv način, a uz pomoć tuzlanskih scenarista i glumaca, ispričali priču o karakteristikama dočeka i proslava Nove godine u jednoj tuzlanskoj porodici kroz decenije. Glumačke priče pratila je i muzika iz tih vremena; zabavni, narodni, pop i rok hitovi iz vremena 50-tih pa na ovamo, koje su pjevali tuzlanski bendovi i pjevači. Specijalni program je trajao od 21,00 do 24,00 sata. „Tuzlanskoj priči kroz vrijeme“ prethodio je cjelodnevni otvoreni novogodišnji program sa domaćim gostima, prijateljima RTV7, sa kojima smo na raznim projektima saradivali tokom godine.

S početkom nove godine smo počeli emitovati Filmske večeri RTV7.

U duhu jačanja i proširivanja programskih kapaciteta, a i zbog obaveze iz uslova Dozvole o emitovanju programa „tudje“ produkcije, obnovili smo ugovore sa Deutsche Welle-om (DW) o besplatnom ustupanju autorskih prava na emitovanje četiri emisije iz njihove produkcije dokumentarnog, naučno-popularnog i informativnog karaktera (Euromaxx, Tomorrow Today, Global 3000, Euromaxx Highlights). Poseban programski, pa i finansijski napor, učinili smo obezbjedjenjem prevodilaca i titlovanjem emisija.

U isto vrijeme smo potpisali Ugovor sa Radio Slobodna Evropa za emitovanje sedmičnog magazina TV Liberty, kao i jednogodišnjeg serijala emisija Perspektive.

Svakodnevno emitujemo i polusatnu emisiju „Glas Amerike“.

U 2015. godini smo potpisali Ugovor sa Organizacijom za razvoj turizma ROTOR o reemitovanju TV emisija „Turistički rotor- Turizam plus.“

Tokom 2015. godine, u saradnji sa „Ministarstvom odbrane BiH“, počeli smo emitovati TV serijal emisija „Naša snaga“, posvećenih OS BiH.

Nastavili smo u 2015. godini i saradnju sa BIRN Justice-TV, od kojih jednom mjesečno emitujemo tv emisiju o dešavanjima u sudnicama BiH i Haga, vezanim za suđenja za ratne zločine u BiH.

Nastavili smo saradnju u razmjeni i korištenju usluga Sense servisa i Agencije ANADOLIJA.

Naši svakodnevni otvoreni programi u prosjeku studijski ugošćuju tri gosta dnevno, što u brojkama znači da je u 2015.godini više od 1.000 ljudi gostovalo u programima radija i televizije, gdje su govorili o aktuelnim temama i događajima iz različitih oblasti života i djelovanja u Gradu Tuzla. Osim toga, brojne ličnosti su bile gosti naših tematskih emisija, kao i sagovornici u priložima za tematske emisije.

Informativne emisije: Vijesti u 16,00 i Hronika grada u 18,00 ustalile su se u svojim terminima i stekle brojne i stalne gledaoce.

Naše svakodnevne tematske emisije: Završni udarac, Rezonanca zdravlja, Fokus u sedmici, Na margini, Mozaik, Gost grada, Šareni telefončić i Galerija portreta stekle su profesionalni ugled kod naših sagovornika i sugradjana.

Veliki dio programskih TV sadržaja javnost može vidjeti i na našem web portalu rtv7.ba, koji je sve posjećeniji zahvaljujući kvalitetnim video sadržajima koje postavljamo na naš youtube kanal.

Unaprijedili smo primjenu 3D virtuelnog studija.

Rekonstrukcijom i građevinskim zahvatima u tv studiju obezbijedili smo 100% pokrivenost tzv.“zelenim ključem“, a preraspodjelom studijske rasvjete omogućili da se bez velikih napora realizira da svaka od pobrojanih emisija ima svoju prepoznatljivu kompjutersku 3D scenografiju.

Realizovanim programskim sadržajima, stalnim inoviranjem i unapredjenjem programske šeme, primjenom savremene informativne tehnologije iz oblasti tv produkcije te savremenim i kvalitetnim grafičkim dizajnom programa, postizemo svoju prepoznatljivost na način odavanja utiska moderne, savremene, urbane, vizuelno i esetetski drugačije televizije.

Cijela naša ekipa, tehnička i novinarska, broji 20-ak ljudi, a opslužuje 3 medija - radio, TV i web portal.

Ulažemo sve profesionalne novinarske i tehničke napore da postanemo istinski medijski servis građanima Tuzle.

Program Radija 7

U toku 2015.godine, u programskoj šemi Radija 7 Tuzla su izvršene određene korekcije i inovacije, kako bi se popunili sadržaji iz nedostajućih programa: dokumentarnog, obrazovnog, političkog, privrednog i muzičkog programa.

Radio 7 Tuzla je, pored redovnih, emitovao i vanredne programske sadržaje, a sve u cilju udovoljenja stalnoj potrebi slušalaca za pravovremenim i objektivnim informacijama o dešavanjima na području koje pokriva signal našeg Radija.

To je podrazumijevalo emisije o privrednim zbivanjima, političkim dešavanjima, kao i emisije posvećene oblastima obrazovanja i zdravstva, odnosno zdrave životne okoline, te dječije, sportske, muzičko – zabavne i emisije iz kulture.

Otvoreni program Radija 7 Tuzla - sadržaj koji se realizuje svaki radni dan i predstavlja kolažni otvoreni program. Pored obilja dnevno aktuelnih informacija, u okviru emisije se realizira i Tema dana, o kojoj slušaoci mogu komentarisati, putem telefonskog uključivanja u program, a obavezan je i gost otvorenog programa, koji govori o aktuelnoj temi. Razgovor s gostom snimamo i emitujemo u našem otvorenom tv programu Tuzla danas, u okviru rubrike „Radio na TV-u, TV u Radiju“.

U programu Radija 7 Tuzla, svaki puni sat emituju se Vijesti, u 12.00 sati Podnevna hronika, a u 15.00- centralna informativna emisija Dnevnik. Pored navedenih, redovnih programskih sadržaja, često su, u skladu sa prilikama, a shodno društvenim i ostalim dešavanjima, realizovani i vanredni programski sadržaji posvećeni aktuelnim temama.

2.4. Izvještaj o stanju tehnike i radu Tehničke službe

Instalirana televizijska oprema u režiji i studiju je vrhunskog kvaliteta i u 2015. godini radila je bez ozbiljnijih kvarova.

Oprema u radijskoj režiji je također nova, savremena i radi bez kvarova.

Oprema na emisionoj tački Ilinčica je u potpunosti nova, kao i link veza sa studijom na frekventnom opsegu od 1,5 GHz.

Oprema radi dvije godine bez isključivanja i kvarova.

Rad tehnike JP RTV 7 d.o.o. u 2015. godini bio je usmjeren na realizaciji zacrtanih programskih ciljeva: usavršavanju kadrova za što kvalitetniju realizaciju programa, te stvaranju preduslova za emitovanje i javljanje novinarskih ekipa sa terena.

U tom smislu nabavljen je MPG- 4 enkoder, a u saradnji sa kablovskim operaterom ELTA TX-TV, posredstvom optičkih veza otvorena je mogućnost tzv. živih javljanja sa određenih lokacija u gradu.

Svaki od ovih programskih napora i inovacija učinio je kadrovski napetim rad u tehničkoj službi u kojoj radi tek minimum neophodnog tehničkog osoblja potrebnog za složenu rtv produkciju i realizaciju programa.

Naime, da bi zadovoljila uslove iz Dozvole RAK-a, JP RTV 7 d.o.o. svakodnevno mora realizovati 12 sati vlastitog programa što u tehničkom smislu zahtijeva minimalno 12 uposlenih osoba u tehnici. Trenutno je na poslovima žive realizacije, grafičkog dizajna, produkcije, snimanja i montaže radio i tv programa uposleno tek 7 tehničara i 3 kamermana.

Isti ljudi istovremeno su zaduženi i za tehničko održavanje emisione i studijsko-režijske opreme.

Emitovanje programa vršimo posredstvom kablovskih operatera: TX TV Tuzla, Elta MT i Antel-a, Alvatel Zenica, Media skay Živinice, analogno na kanalu C-28+, Max tv Brčko Distrikt,

NEON Solucije d.o.o. Kalesija, KTV E-G-E Doboj Jug i telekom operatera - BH Telecoma. Ulaskom u sistem usluge Moja TV proširili smo emitovanje našeg programa na cijelu Bosnu i Hercegovinu. Kod istog operatera smo obezbijedili internet vezu najjače snage kako bismo u programu koristili video streaming (živo javljanje sa terena posredstvom internet veze).

U saradnji sa kablovskim operaterom /TX TV Tuzla/, instalirali smo 5 optičkih tačka koje nam omogućavaju direktan prenos slike i tona u full HD rezoluciji, što u perspektivi otvara mogućnosti prenosa raznih sportskih, kulturnih i drugih dešavanja u gradu. Trenutno je optičkim kablovima pokriven cijeli BKC – Tuzla, JP SKPC Mejdan, Stadion Tušanj, JKP Pannonica Tuzla, JU Narodno pozorište Tuzla te Gradska uprava Tuzla. Ostvarujemo kvalitetne poslovne dogovore sa ovim operaterom i započeta je realizacija uspostave novih optičkih tačaka i širenja optičke mreže u gradu.

Nabavili smo tri enkodera (dva video i jedan audio) koji su nam omogućili poboljšanje kvaliteta slike prema kablovskom operateru BH Telecom, odnosno emitovanje u HD rezoluciji. Nabavkom ovih uređaja stvorili smo uslove za mogućnost priključenja još 12 novih kablovskih operatera koji žele prenositi naš program putem svoje kablovske mreže, odnosno, otvorili tehničke pretpostavke za distribuciju signala RTV 7 na prostoru cijele BiH.

Ipak, svaki složeniji produkcijski projekat ili živi prijenos određenih događaja značajnih za Grad Tuzlu iziskuje složenije načine realizacije za što je, osim kadrovskog pojačanja, potrebno u budućnosti planirati i nabavku najsavremenijeg uređaja koji se pojavio na tržištu i koji otvara mogućnost živih javljanja sa terena i sa svih prostora koji imaju GSM mrežu.

2.5. Izvještaj o muzičkom programu

Kada je riječ o muzičkom programu RTV7 Tuzla i tokom 2015. godine orijentacija je bila takva da se vodilo računa o zastupljenosti muzike za svačiji ukus.

Opredijelili smo se da muzički program, ponajprije radijski, podijelimo po segmentima, tako da slušaoci već znaju u kojem periodu se emituje određena vrsta muzike: rock muzika, sevdalinke, evergrini, jazz ili blues... Na taj način slušaoci znaju kada mogu uživati u muzici na osnovu vlastitih preferencija.

Ovakva muzička podjela uglavnom je zastupljena u večernjim satima, dok je tokom dnevnog programa zastupljen odabir aktuelnih stranih i domaćih hitova.

Ekipe RTV7 Tuzla prate rad lokalnih kulturno umjetničkih društava, solista, horova i orkestara, o čemu gledaoce i slušaocima informišemo u našem dnevnom informativnom programu, kao i u kolažnim emisijama "Jutro u 7" i "Tuzla danas".

Pored toga, pratimo i muzička dešavanja kada se radi o koncertnim aktivnostima u našem gradu, pa smo tako u našim emisijama "Gost grada" i "Na kafi sa..." obavili razgovore sa svim domaćim i regionalnim estradnim zvijezdama koje su se predstavile domaćoj publici tokom 2015. godine. (Vlatko Stefanovski, Tereza Kesovija, Gabi Novak, Aleksandra Radović, Edo Maajka...).

Za potrebe novogodišnjeg programa, u vlastitoj produkciji snimljen je bogat muzički program u kojem smo se opredijelili za lokalne, Tuzlacima dobro poznate izvođače koji su na svoj autorski

način izveli pop - rock evergrine sa ovih prostora, kao i pažljivo odabarane sevdalinke i pjesme novijeg narodnog melosa.

Medijski smo pokrovitelji i brojnim muzičkim manifestacijama koje se odvijaju u našem gradu, a čiji su organizatori Grad Tuzla ili gradska udruženja.

Značajnu pažnju poklanjamo i radu Osnovne i Srednje muzičke škole Tuzla, pratimo njihove godišnje koncerte, a u dnevnom programu pratimo najuspješnije pojedince.

Nastoajat ćemo da i u budućnosti ostanemo na ovom pravcu kako bismo i dalje ispunjavali svoju misiju medijskog servisa grada Tuzle.

III. FINANSIJSKO POSLOVANJE U 2015. GODINI

3.1. Prihodi

Ukupan ostvareni prihod u 2015. godini iznosi **728.664,31 KM**.

U sljedećoj tabeli prikazani su **izvori**, kao i struktura prihoda za 2015. godinu, komparirani sa planom prihoda za 2015. godinu, kao i prihodima iz 2014. godine:

Red. Br.	IZVOR PRIHODA	REALIZOVANO 2014	PLAN 2015	REALIZOVANO 2015	INDEX	
					4/2	4/3
	1	2	3	4		
1	Grad Tuzla - Budžet	320.000,00	400.000,00	420.000,00	1,31	1,05
3	Grad Tuzla - Kredit i grantovi	113.965,12	114.000,00	121.465,12	1,07	1,07
4	Marketing	149.796,07	160.000,00	165.790,62	1,11	1,04
5	Ostali prihodi	23.309,58	20.000,00	21.408,57	0,92	1,07
	UKUPNO PRIHOD:	607.070,77	694.000,00	728.664,31	1,20	1,05

Prihodi po rednim brojem 1 predstavljaju transfere za rad od strane osnivača – Grada Tuzla, u iznosu od 400.000 KM, te transfer za nabavku neophodne tehničke opreme za realizaciju živih prenosa, koja je planirana za 2016.godinu, u iznosu od 20.000 KM.

Prihodi pod rednim brojem 2 predstavljaju sredstva namijenjena za otplatu kredita za nabavku nove rtv opreme i ta sredstva su planirana u skladu sa otplatnim planom kreditora - Sparkasse Bank. U toku 2015. godine uplaćena su dva anuiteta u iznosu od po 56.982,56 KM, te grantovi za organizaciju i praćenje manifestacija pod pokroviteljstvom Grada Tuzla.

Prihodi pod rednim brojem 3 jesu prihodi vlastitog učinka, odnosno od marketinga, gdje je sa 107% realizovan plan vlastitih prihoda. Prihodi od marketinga su takođe veći u odnosu na prošlogodišnje za 11%.

Ostali prihodi navedeni pod rednim brojem 4 jesu prihodi od kamata, prihodi od naknada bolovanja, te ostali prihodi po osnovu realizovanih projekata i ugovora.

3.2. Rashodi

Ukupni rashodi u 2015. godini realizovani su u iznosu od **714.179,72 KM**.

U sljedećoj tabeli prikazani su rashodi po vrstama troškova:

Red. br.	Konto 1	VRSTA TROŠKOVA-RASHODA 2	2014. 3	2015. 4	INDEX 4/3
1	511	Materijalni troškovi (kanc.mat.)	3.359,46	1.721,90	0,51
2	512	Električna energija i gorivo	17.383,12	16.882,45	0,97
3	513	Rezervni dijelovi i potrošni materijal	420,23	4.946,55	11,77
4	514	Troškovi sitnog inventara	1.326,92	1.729,02	1,30
5	520	Troškovi plaća	346.404,65	386.193,43	1,11
6	524	Troškovi ostalih naknada zaposlenima	38.545,50	72.503,58	1,88
7	527	Naknade članovima Nadzornog odbora	10.760,52	11.873,88	1,10
8	529	Troškovi naknada ostalim fiz. licima	14.466,18	9.529,37	0,66
9	530	Troškovi usluga vezanih za TV i Radio program	0,00	14.922,68	
10	532	Troškovi dozvola, agencijskih i autorskih taksi	11.707,52	16.324,34	1,39
11	540	Amortizacija	75.134,39	74.236,53	0,99
12	550	Troškovi komunalija i ostalih ugovorenih usluga	12.270,08	10.580,50	0,86
13	551	Troškovi reprezentacije	404,72	450,68	1,11
14	552	Troškovi premija osiguranja	4.277,94	3.562,00	0,83
15	553	Troškovi platnog prometa bank.usluga	2.038,40	2.195,21	1,08
16	554	Troškovi poštanskih, telekomunikacijskih i internet usluga	10.850,66	11.404,14	1,05
17	555	Troškovi sudskih i administrativnih taksi	1.019,48	938,83	0,92
18	559	Usluge obezbjeđenja objekta i druge usluge	1.500,00	2.388,68	1,59
19	561	Finansijski rashodi (troškovi kamata)	33.753,13	22.124,54	0,66
20	579	Ostali rashodi i gubici	2.213,07	1.361,57	0,62
21	591	Rashodi po osnovu ispravke vrijednosti	18.218,00	48.309,84	2,65
UKUPNO RASHOD:			606.053,97	714.179,72	1,18

- Pod rednim brojem 1 troškovi se odnose na utrošeni kancelarijski materijal, nosače memorije (hard disk, CD, DVD, SD kartice za kamere i slično) i materijal za čišćenje. Ovi rashodi su manji u odnosu na prošlu godinu zbog sprovedenih mjera štednje
- Pod rednim brojem 2 troškovi se odnose na utrošenu električnu energiju, gorivo i maziva. Troškovi električne energije u 2015. godini većinom čine troškovi vezani za emitovanje tv programa, odnosno troškovi studijske rasvjete koja se dnevno u punom kapacitetu koristi najmanje osam sati za realizaciju „život“ programa, te korištenja ostale tv opreme.
- Troškovi pod rednim brojem 3 odnose se na rezervne dijelove i potrošni materijal. Troškovi su u odnosu na prošlu godinu veći zbog određenog broja kvarova na tehničkoj opremi.
- Troškovi pod rednim brojem 4 odnose se na troškove sitnog inventara.
- Pod rednim brojem 5 troškovi se odnose na neto plaće zaposlenih, poreze, doprinose iz plaća i doprinosa na plaće. Ovi troškovi su veći od prošlogodišnjih, jer su u 2015. godini u stalni radni odnos primljeni radnici neophodni za rad preduzeća, a na čija su mjesta zbog mjera štednje, bili angažovani vanjski saradnici.

- Pod rednim brojem 6 troškovi se odnose na ostala primanja i naknade zaposlenih, naknade za topli obrok, te naknade troškova za prevoz radnika.
- Troškovi pod rednim brojem 7 čine bruto naknade članovima Nadzornog odbora Društva.
- Pod rednim brojem 8 troškovi se odnose na naknade po osnovu ugovora o djelu, ugovora o obavljanju privremenih i povremenih poslova, zaključenih sa saradnicima iz sektora tehnike i programa. Troškovi su manji jer je u 2015. godini smanjen broj vanjskih saradnika.
- Troškovi pod rednim brojem 9 odnose se na troškove koprodukcijjskih usluga na zajedničkim projektima, troškovi prevodilačkih uluga za video materijal korišten u programu RTV 7, kao i ostale usluge vezane za realizaciju programa.
- Pod rednim brojem 10 troškovi se odnose na troškove Regulatorne agencije za komunikacije BiH (troškovi korištenja frekvencija za emitovanje programa i troškovi naknada za dozvolu za radio i tv program), troškove naknade Agenciji za zaštitu autorskih muzičkih prava, te troškove novinskih agencija.
- Troškovi pod rednim brojem 11 odnose se na troškove amortizacije na građevinske objekte, postrojenja i opreme. Rtv opremu najvećim dijelom čine operativni kompjuterski sistemi sa zakonski određenim kratkim vijekom trajanja, što je dovelo do velike stope amortizacije, koja je za 2015. godinu iznosila ukupno 74.236,53 KM.
- Troškovi pod rednim brojem 12 odnose se na troškove neproizvodnih usluga, poput komunalnih (voda, grijanje i slično), advokatskih i notarskih, te računovodstvenih usluga.
- Pod rednim brojem 13 navedeni su ukupni troškovi reprezentacije, koji su realizovani u minimalnom iznosu, u odnosu na veličinu preduzeća i goste koji svakodnevno prolaze kroz RTV kuću.
- Troškovi pod rednim brojem 14 odnose se na troškove premije osiguranja objekta, stalnih sredstava – opreme i premija osiguranja za zaposlene.
- Troškovi pod rednim brojem 15 se odnose na troškove platnog prometa, odnosno bankarske usluge (obrade bankarskih kredita).
- Troškovi pod rednim brojem 16 se odnose na troškove poštanskih usluga, telekomunikacijskih usluga i interneta.
- Troškovi pod rednim brojem 17 odnose se na troškove komunalnih, sudskih, administrativnih i ostalih taksi, te naknade za šume.
- Troškovi pod rednim brojem 18 odnose se na troškove osiguranja objekta.
- Troškovi pod rednim brojem 19 odnose na troškove kamata po kreditima, te zateznih kamata po osnovu Rješenja UIO (inspeksijska kontrola za period 2008.- 2012.g.)
- Troškovi pod rednim brojem 20 predstavljaju ostale rashode u manjim iznosima koji nisu mogli biti raspoređeni na navedene grupe konta
- Rashodi pod rednim brojem 21 odnose se na ispravke grešaka u ranijim godinama te otpis zastarjelih i nenaplativih potraživanja u skladu sa odlukom Nadzornog Odbora.

3.3 FINANSIJSKI REZULTAT U 2015. GODINI

Po završnom računu JP Radio televizije 7 d.o.o. Tuzla, iskazana je **bruto** dobit perioda (više ostvarenih prihoda u odnosu na rashode) u iznosu od **14.484 KM**.

U sljedećoj tabeli je prikazan finansijski rezultat izvještajne 2015. godine kompariran sa 2014. godinom i planom za 2015. godinu:

Red. Br.	OPIS	Realizacija 2014.	Plan 2015.	Realizacija 2015.	INDEX	
					4/2	4/3
0	1	2	3	4	5	6
1	PRIHODI	607.071	694.000	728.664	1,20	1,05
2	RASHODI - TROŠKOVI POSLOVANJA	606.054	690.000	714.179	1,18	1,04
	POSLOVNI DOBITAK	1.017	4.000	14.485	14,24	3,62

Kao što se vidi iz date tabele prihodi i rashodi ostvareni u 2015.godini pratili su iste predviđene planom za 2015.godinu. Ostvareni prihodi i rashodi su nešto veći od planiranih za 2014.godinu, ali je to zanemarljiv iznos u odnosu na plan.

Ohrabruje činjenica da uspijevamo realizirati predviđene planove i bez obzira na sve probleme koji nas prate ostvariti rezultate koje su pred nas postavili Gradsko vijeće i Grad Tuzla.

Ukupni prihodi izvještajne godine su iznosili **728.664 KM** dok su ukupni rashodi iznosili **714.180 KM**.

Dobit od poslovanja iznosi 14.485 KM, umanjena za porezne rashode perioda od 1.480 KM, daje neto dobit perioda od 13.005 KM.

IV POTRAŽIVANJA I OBAVEZE NA DAN 31.12.2015. GODINE

4.1. PREGLED POTRAŽIVANJA NA DAN 31.12.2015. GODINE

Potraživanja od kupaca	58.064,87
Potraživanja od zaposlenih i ostala kratkoročna potraživanja	1.467,18
Potraživanja za PDV ulazni odbitni porez	430,17
Aktivna vremenska razgraničenja	3.199,86
UKUPNO POTRAŽIVANJA	63.162,08

Potraživanja od kupaca predstavljaju potraživanja nastala do 31.12.2015.godini, a jednim dijelom i potraživanja nastala u 12.mjesecu izvještajne godine, a koja su naplaćena početkom 2016.godine.

4.2. PREGLED OBAVEZA NA DAN 31.12.2015. GODINE

R.B.	OPIS	Ukupne obaveze na dan 31.12. 2015.	Izmirene obaveze na dan 31.12. 2015.	Neizmirene obaveze sa 31.12.2015.
1.	Ukupne obaveze na dan 31.12.2015.	1.032.079,14	719.535,99	312.543,15

Na dan 31.12.2015.godine ukupne obaveze Društva iznose **1.032.079,14 KM**, od čega je izmireno **719.535,99 KM**, a neizmirene na dan 31.12.2015. godine iznose **312.543,15 KM**.

Pregled neizmirenih obaveza prikazan je u sljedećoj tabeli:

Dugoročni investicioni kredit	211.809,74
Finansijski kredit	28.858,83
Obaveze po osnovu lizinga za auto	4.617,73
Ostale dugoročne finansijske obaveze	232,15
Ostale kratkoročne finansijske obaveze	298,12
Obaveze prema dobavljačima	19.404,43
Obaveze prema zaposlenicima	32.780,70
Obaveze po osnovu doprinosa i naknada za ugov. o djelu i N.O.	12.343,13
Obaveze za PDV	2.008,73
Obaveze za ostale poreze, takse i druge dažbine	189,59
UKUPNO OBAVEZE	312.543,15

Najveći dio obaveza čine krediti koji se uredno otplaćuju prema otplatnom planu.

Ostale obaveze nastale u 2015.godini, poput plaća za 12. mjesec 2015. godine su izmirene početkom 2016. godine.

Moramo naglasiti da je Društvo i pored teške finansijske situacije, uredno izmirivalo mjesečne obaveze prema zaposlenicima, Nadzornom odboru, vanjskim saradnicima i dobavljačima.

V ZAKLJUČNE NAPOMENE

JP RTV 7 d.o.o. Tuzla za proteklu poslovnu i programsku godinu s pravom može okarakterisati kao period u kojem je nastala istinska gradska radio televizija čije postojanje i uspjeh više nisu upitni. Ostvarena je glavna medijska funkcija i ispunjena očekivanja građana – Tuzla je dobila gradsku rtv stanicu. Ovo nisu proizvoljni zaključci uposlenika nego rezultati anketiranja građana, odnosno gledalaca i slušalaca koji su svakim danom brojniji. Rezultiralo je to i uspješnom poslovnom godinom u svim sektorima produkcije programa i njegovih pratećih službi.

Po završnom računu JP Radio televizije 7 d.o.o. Tuzla, u 2015.godini iskazana je bruto dobit perioda (višak ostvarenih prihoda u odnosu na rashode) u iznosu od 14.484 KM.

Naše programsko opredjeljenje je biti medijski servis grada, tako da smo i u 2015. godini nastavili informisati građane o životu i svim dešavanjima u gradu i okolici, aktivnostima Gradskoga vijeća, Gradske uprave, gradonačelnika Tuzle, gradskih službi, javnih preduzeća i ustanova, kao i nevladinog sektora, kulturno-umjetničkih i sportskih udruženja i društava. Izvještavali smo o infrastrukturnim projektima grada, novoj gradnji, sanaciji puteva, mostova, cesta na području grada i šire, toplifikaciji, regulaciji vodotoka i s posebnom ozbiljnošću pratili stanje u gradu i prigradskim mjesnim zajednicama nakon poplava koje su pogodile Tuzlu. Naš program je sadržavao informacije sa prijema u gradu, sastanaka, okruglih stolova, pratili smo dolaske značajnih ličnosti i delegacija iz drugih gradova BiH, Evrope i ostatka svijeta, izvještavali sa press konferencija, koncerata, izložbi, promocija, sportskih događanja itd.

Osim toga, u programu smo svakoga dana informisali o uslugama komunalnih i servisnih službi, emitovali priloge sa rasprava o zanimljivim temama koje se tiču života građana, kao i priče o interesantnim ljudima, stručnjacima i talentima.

Tokom 2015. godine nastavili smo praksu iz 2014. Godine da snimamo svečane i radne sjednice Gradskoga vijeća Tuzla i u cijelosti ih reemitujemo u našim dnevnim tv programima. Držeći se programskog opredjeljenja o ravnopravnom tretmanu, nastojali smo sve inicijative, reakcije i programe političkih stranaka i partija pratiti u istom omjeru i emitovati u našim informativno-političkim programskim sadržajima.

JP Radio-televizija 7 d.o.o. je u 2015. godini nastavila realizovati programske zahtjeve postavljene za ovu izvještajnu godinu. Oni su se, prije svega, odnosili na usavršavanje postojeće programske šeme i produženje vremena emitovanja vlastitog programa.

Uz podršku i u saradnji sa kablovskim operaterom TXTV, uspjeli smo obezbijediti optičke tačke za izvještavanje sa 5 lokacija u gradu: Gradske uprave, SKPC Mejdan, Panonskih jezera, Bosanskog kulturnog centra Tuzla i stadiona Tušanj. Početkom 2016. godine realizirali smo i posljednju planiranu tačku - Narodno pozorište Tuzla. Na ovaj način smo uspjeli da optički povežemo sve lokacije u gradu, gdje se odvijaju najznačajniji društveni, kulturni i sportski događaji. Sa programskog stanovišta ova tehnička inovacija omogućila nam je direktna javljanja u program što smo vrlo često koristili.

Živi program, koji je ranije podrazumijevao 7 sati otvorenog programa, u 2015. godini, produžen je na 15 sati: 3 sata jutarnjeg radio i tv programa Jutro u 7, Otvorenog radija koji se emituje i na tv-u i otvorenog popodnevnog tv programa Tuzla danas. Ovi programi su ispunjavani brojnim pričama i dnevno-aktuelnim dešavanjima u Tuzli i šire, kao i rubrikama u trajanju od 3-10 minuta, emisijama iz različitih sfera života. Većinu rubrika čine ilustracije iz života grada.

Dosadašnje iskustvo i praksa, odnosno, sve veći programski, produkcijski i tehnički zahtjevi pokazuju da je postojeći broj zaposlenih minimalan i da se kadrovska struktura mora uvećavati spram uvećanja programskih i tehničkih zahtjeva JP RTV 7.

U zaključnim napomenama moramo podcrtati da je tek u 2015. godini ispoštovana Odluka o finansiranju JP RTV 7 d.o.o. Tuzla koju je još 2011.godine donijelo OV Tuzla kada je usvojen Elaborat o daljem razvoju i proširenju djelatnosti JP „Radio Tuzla“ d.o.o. Tuzla u kojem za finansiranje JP RTV 7 d.o.o.Tuzla bilo predviđeno da se u narednim budžetskim godinama planira izdvajanje 400.000,00 KM za finansiranje javne rtv stanice.

Dvije godine zaredom (2013. i 2014.) JP RTV 7 d.o.o.Tuzla, je dobivala za oko 100.000,00 KM godišnje manje sredstava nego što je to bilo predviđeno Elaboratom. Tek u prošloj godini dobivena su planirana sredstva, ali i takva, bila su dovoljna tek za isplatu plaća radnicima.

Uprkos tome razvoj preduzeća, odnosno JP RTV7 d.o.o. Tuzla nije zaustavljen.

Samo zahvaljujući vanrednim naporima zaposlenih,ogromnom entuzijazmu mladih ljudi da kreiraju savremeni medij i doprinesu stvaranju gradske radio-televizije kao i profesionalizmu starijih radnika, uspejemo prevazići finansijske teškoće. Velikim dijelom je to učinjeno odricanjem na račun samog standarda uposlenika,o čemu govore podaci o prilično niskim platama.

Inovacije, štednja i domaćinsko poslovanje naš je poslovni moto zahvaljujući čemu smo i uspijevali prevazići teške trenutke.

Uz sve ovo moramo još jednom napomenuti da u ukupnoj produkciji programa koji se priprema i realizuje kako bi se ispunili zahtjevi iz Dozvole koju nam je, kao javnoj rtv stanici, dodijelila Regulatorna agencija za komunikacije BiH, gotovo 100 % emitovanog programa čini vlastita produkcija što iziskuje izuzetne kadrovske napore kako bi se ispunila struktura traženog programa iz uslova Dozvole.

Na samom kraju protekle godine, uz obezbjedjenje sponzorskih uloga omogućeno je snimanje novogodišnjeg programa što je bila prva ozbiljnija produkcija naše rtv kuće, a naročito u oblasti muzičko zabavnog programa. Istovremeno, obezbjedjena su i određena sredstva za nabavku filmova, čime smo ispunili jedan od zaključaka GV Tuzla o potrebi emitovanja filmova u programu RTV 7.

Rukovodeći se ciljem da JP RTV 7 d.o.o. Tuzla ima odgovornost i obavezu da obezbijedi finansijski rezultat koji će za posljedicu imati pozitivno poslovanje, nije se moglo značajno uticati na popravljavanje i unapredjenje standarda radnika koji je nesumnjivo među lošijim u odnosu na ostala javna preduzeća i ustanove u Gradu Tuzla. Određena poboljšanja napravljena su u drugoj polovini godine, kada su stvorene finansijske pretpostavke za povećanjem iznosa za isplatu toplog obroka, kao i isplatu regresa.

Važno je naglasiti da je Društvo i pored teške ekonomske i finansijske situacije, uredno izmirivalo mjesečne obaveze prema zaposlenicima, Nadzornom odboru, vanjskim saradnicima i dobavljačima.

5.1. Realizacija zaključaka Gradskog vijeća Tuzla

Zaključke Gradskog vijeća Tuzla, a koji su se donosili i usvajali u vezi sa JP RTV 7 d.o.o. Tuzla ovo Preduzeće je u cjelosti ispoštovalo.

Konkretno, na sjednici od 27.05.2015. godine, vijećnici GV Tuzla su usvojili Zaključak broj: 01-05-2160-2015/7 u vezi sa Izvještajem o radu i poslovanju Preduzeća za 2014.godinu.

U odnosu na navedene zaključake, a riječ je o unapredjenju sistema emitovanja, kadrovske osnaživanje i nabavka igranog programa, navodimo da su, uz podršku Osnivača i vijećnika Gradskog vijeća Tuzla, potkraj 2015. godine obezbijedjena dodatna sredstva za nabavku neophodne opreme za žive realizacije i prijenose. Naime, nakon sprovedenih tenderskih procedura, u ovoj godini je nabavljen video-mixer, snimač i potrebni uređaji za komunikaciju na terenskim snimanjima. Time je JP RTV 7 d.o.o. otvorena mogućnost da marketinški unaprijedi svoju ponudu na način sponzorisanja kulturnih, sportskih i društvenih manifestacija koje se održavaju u gradu. Riječ je o snimanjima ili živim prijenosima sa više kamera, što do sada nismo bili u mogućnosti.

Kada je riječ o nabavci igranog programa, Preduzeće je sklopilo kvalitetan Ugovor sa BH distributerom o nabavci 50 igranih filmova po veoma povoljnoj cijeni. I ovaj zaključak smo realizirali potkraj 2015. godine, nakon što smo procijenili da povoljan finansijski rezultat na kraju poslovne godine, omogućava ovu vrstu nabavke.

5.2. Ciljevi i prijedlozi mjera

Gradu Tuzla bio je neophodan i nužan lokalni javni medijski servis. To je pokazalo dosadašnje trogodišnje postojanje Televizije koja je postala istinski servis građanima, o čemu svjedoče brojni pozivi i kontakti.

Takav odnos građana, odnosno gledalaca, potvrdio je opredjeljenje Grada Tuzla i Gradskog vijeća da pruži punu podršku JP RTV 7 d.o.o. Tuzla, ali on i profesionalno obavezuje.

Naime, sustižući uslove iz Dozvole za emitovanje, a koja nam je dodijeljena kao javnoj rtv stanici, sa postojećim kadrovskim kapacitetom JP RTV 7 d.o.o. je u stanju proizvoditi isključivo informativni program, kako bi se zadovoljio uslov RAK-a da se od ukupno proizvedenog sedmičnog programa 40 odsto odnosi na proizvodnju informativnog, odnosno, nekomercijalnog programa. To je veliko opterećenje, budući da ovo Preduzeće postojeće uslove mora ispuniti u dva elektronska medija: radiju i televiziji. Sustižući, s velikim naporom, zadate procenete, zatvorena je mogućnost za kadrovsko osposobljavanje novinara i komercijalista za produkciju kulturno-zabavnog i revijalnog, odnosno, komercijalnog programa. Riječ je o posebnim projektima koji bi mogli donositi sponzorstva i reklame, a koje zbog kadrovske skučenosti nismo u mogućnosti realizirati. Jedina mogućnost da se udje u produkciju i te vrste programa jesu autorski projekti tuzlanskih sportskih i kulturnih ustanova, udruženja i pojedinaca, te sklapanje koprodukcijskih poslova na čemu će se raditi u narednom periodu.

Postojeći broj zaposlenih raspoređen je u rad na tri medija: radio, televiziju i web portal.

U programskoj i uredjivačkoj politici je zacrtano da se nijedan od postojeća tri medija kojima se bavimo ne smije razvijati na račun drugoga, što je teško postići, utoliko prije što su novinarsko-tehničke posade potrebne i na radiju i na televiziji istovremeno, jer se istovremeno realiziraju programi i na jednom i na drugom mediju.

S obzirom da se nije povećao broj zaposlenih i dalje je prisutna kadrovska napetost i u redakciji i u tehnici. Naime, dnevno aktuelni događaji diktiraju tempo u kojem se, nerijetko, gotovo svi uposlenici svakodnevno bave sa više vrsta poslova u toku dana. Razvojem televizije koji je evidentan, ti zahtjevi se sve više i više uvećavaju.

Razvoj radija i televizije ne smije biti upitan, jer od trenutka kada je nastalo ovo preduzeće, ono svake godine poprima sve veći ugled i on isključivo počiva na razvoju programskih i tehničkih pretpostavki. Medjutim, razvoj radija i televizije, kao i razvoj web portala kao štampanog medija, iziskuje značajno veće kadrovske kapacitete od postojećih. Pojedina radna mjesta, kao što je npr. grafički i web dizajner riješena su zaposlenjem tek jednog čovjeka što je postalo neodrživo zbog sve većeg broja zahtjeva za izradom reklama, video stranica, grafički oblikovanih rubrika, 3D scenografijom itd. Slično je i sa kameranima, ali i novinarima. Naime, još uvijek je nemoguće specijalizirati novinare i početi formirati redakcije poput kulturno-zabavne, dokumentarne, sportske itd. U tom smislu JP RTV 7 d.o.o. ima da predje još puno koraka do potpune profesionalizacije medija.

Bez obzira na sve poteškoće naša rtv kuća se neprekidno razvija, ali razvoj kuće još uvijek isključivo počiva na entuzijazmu uposlenika, platama koje stagniraju i koje su ispod prosjeka plata uposlenika u ostalim javnim preduzećima i ustanovama.

Uvažavajući sve rečeno predlažemo da Gradsko vijeće Tuzla usvoji zaključak kojim bi se podržalo jačanje i razvoj jedinog lokalnog javnog medija u Tuzli. To se, prije svega, odnosi na veća izdvajanja iz Budžeta Grada Tuzla kojima bi se obezbijedilo:

- kadrovsko proširenje u redakciji i tehnici i mogućnost kreiranja komercijalno zabavnih programa koji bi obezbijedili veći marketinški učinak
- nabavka opreme za živa javljanja sa terena. Riječ je o najnovijem uređaju koji zamjenjuje reportažna kola i koji radi na sistemu 6 GSM kartica. Ovaj uređaj obezbjedjuje živa javljanja sa

svih područja koja su pokrivena GSM mrežom i mnoge televizije u BiH su ih već davno nabavili. Solidna cijena uređaja (oko 30.000,00 KM) umnogome pojednostavljuje i pojeftinjuje produkciju živih programa.

- nabavka i kupovina stranih serija, filmova i dokumentarnih filmova kojih još uvijek nedostaje u Programu

Pobrojane mjere su minimum potrebnih uslova da bi JP RTV 7 d.o.o. mogla pratiti dinamiku razvoja Grada na opšte zadovoljstvo građana Tuzle koji razvijaju sve veće povjerenje i sve više se oslanjaju na „svoju gradsku radio-televiziju“, ali je i upoređuju je sa drugim značajno moćnijim televizijama koje su u mogućnosti pratiti posredstvom kablovskih distributera.

Postojeća sredstva iz Budžeta Grada i sredstva koja obezbjeđuje JP RTV 7 d.o.o. Tuzla trenutno mogu održavati postojeće stanje i pomagati razvoju medija na štetu uposlenika čiji entuzijazam nije nepresušan.

Cilj je, međutim, da u nastavku obezbijedimo razvoj radija i televizije u kojem će biti proširena programska šema i produžena satnica emitovanog programa, da obezbijedimo tehničke uslove za „žive“ prenose sportskih, kulturnih, muzičkih i drugih događaja u Gradu, a to je moguće ostvariti samo uz kvalitetniju podršku Osnivača.

VI Nadzorni odbor

Izvršavajući svoje dužnosti Nadzorni odbor Društva je u 2015. godini održao 12 (dvanaest) sjednica, na kojima je:

- a) Utvrđivao Prijedloge normativnih akata i Odluka iz nadležnosti Skupštine
- b) Donosio Odluke iz svoje nadležnosti
- c) Razmatrao i usvajao izvještaje i informacije iz svoje nadležnosti, kao i davao odgovarajuća mišljenja u skladu sa Zakonom;

Utvrđeni su Prijedlozi odluka iz nadležnosti Skupštine Društva:

- Odluka o utvrđivanju Izvještaja o radu i poslovanju JP RTV 7 d.o.o. Tuzla, za period od 01.01.2014.-31.12.2014.godine,
- Odluka o utvrđivanju prijedloga raspodjele dobiti u JP RTV 7 d.o.o. Tuzla za 2014.godinu,
- Odluka o utvrđivanju Plana poslovanja JP RTV 7 d.o.o. Tuzla za 2015.godinu
- Izvještaj o radu Nadzornog odbora JP RTV 7 d.o.o. Tuzla (za period od 01.01.2014.godine-31.12.2014.godine)

Razmatrane su, usvojene, odnosno date saglasnost na Odluke i Pravilnike iz nadležnosti Nadzornog odbora Društva:

- Odluka o usvajanju Elaborata o godišnjem popisu za 2014.godinu JP RTV 7 d.o.o. Tuzla,
 - Pravilnik o izmjenama i dopunama Pravilnika o unutrašnjoj organizaciji sistematizaciji radnih mjesta i koeficijentima za obračun plaće uposlenika u JP RTV 7 d.o.o. Tuzla,
 - Pravilnik o izmjenama Pravilnika o unutrašnjoj organizaciji i sistematizaciji radnih, mjesta i koeficijentima za obračun plaće uposlenika u JP RTV 7 d.o.o. Tuzla.
- Usvojen je veći broj informacija, izvještaja i Zaključaka.

Odluke o svim tačkama dnevnog reda koje su razmatrane u izvještajnom periodu usvojene su jednoglasno.

Ciljevi Nadzornog odbora u proteklom periodu bili su usmjereni ka:

- uspješnom i prije svega zakonitom poslovanju JP RTV 7 d.o.o. Tuzla;
- razvoju Društva u domenu medijskog tehničko-tehnološkog napretka;
- jačanju pozicije Društva u medijskom prostoru na području grada Tuzla;
- jačanju marketinga u cilju boljeg plasmana usluga

Nadzorni odbor JP RTV 7 d.o.o. Tuzla, je u toku 2015. godine nadzirao poslovanje i rad Društva, a svoje obaveze i odgovornosti obavljao je u skladu sa pozitivnim zakonskim propisima. Pored održanih sjednica nadzornog odbora, predsjednik i članovi su kontinuirano saradivali sa menadžmentom Društva u vezi sa pitanjima od značaja za poslovanje Društva i interese Osnivača.

Saradnja Nadzornog odbora i Uprave Društva je bila kontinuirana i odvijala se bez smetnji u cilju uspješnog funkcionisanja Društva. Poduzimane su zajedničke aktivnosti u cilju profiliranja poslovne politike, osiguravanja uspješnog funkcionisanja kroz povećanje obima i kvaliteta usluga, povećanje profita i praćenje svjetskih trendova u ovoj oblasti.

Broj: 137/16

Datum: 18.03.2016.godine

DIREKTOR:

/ Jasna Kapetanović/